

Innspel frå Atle Vaage – fagleiar grønt/drift – vedrørande tomteval for Eikanger/Kløvheim

- Dette er ei forholdsvis lita bygd der det er liten sjanse for å få andre offentlege tilbod eller noko form for senterutvikling. Skulen vil bli «kultursenter». Det er difor viktig at skulen får ei plassering som er best mogleg i høve aktiviteten på kveld og helg for flest mogleg av dei som bur i nærleiken. Dvs minst mogleg reisetid for brukarar, moglegheit til å gå og sykla til staden for bil osv. Det ein eigentleg ser på her er jo kor sentrum i bygda skal vera. Her bør vel kommunen strengt talt regulera offenleg formål nok til framtidig skuleutvikling, barnehage, ev butikk mm
- Plasserast slik at skulen har god tilgang på «skauen» for tur/uteskule. Det er og dokumentert at tre betrar folk si psykiske og faktisk og fysiske helse.
- Per no ser eg ikkje stort behov for idrettsanlegg ut over det skulen må ha. Men dette er jo og eit politisk spørsmål om vidareutvikling av Ostereidet/Eikanger/Leiknes-områda. Det må difor som de var inne på i møtet sikrast areal nok til framtidig uteanlegg. Bør vera plass tilsvarande 11ar bane+fleirbrukshall innan kort gangavstand frå skulen viss folketalet ein gong blir høgt nok.
- For grøntområda er det om å gjera å unngå bratte tomter, den delen som skal anleggast som park/hage bør vera forholdsvis flat for å letta drifta.
- Ønske om synlegheit. Hærverk, mobbing og den slags blomstrar der kor områda ligg veldig skjerna. Det er og bevist at det å sjå folk i aktivitet inspirerer andre til å byrja. Om mogleg bør difor skulen og uteområdet ligga på ein god synleg plass i bygda, gjerne med mykje bustader på fleire kantar.